



Broj: UP-13-15.04-12/13

Datum: 04.10.2013.godine

Komisija za papire od vrijednosti Brčko distrikta BiH, rješavajući po zahtjevu emitenta Dioničko društvo za trgovinu na veliko i malo „MB VELMA“ Brčko, Meše Selimovića broj 1 u predmetu odobrenja emisije dionica zatvorenom ponudom, na osnovu člana 18. i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04, 42/04, 28/07 i 14/12) i člana 62. Pravilnika o uslovima i postupku emisije papira od vrijednosti ("Službeni glasnik Brčko distrikta BiH" broj: 3/08 i 34/08) na svojoj 62 (šezdesetdrugoj) sjednici održanoj dana 04.10.2013. godine, *donijela je*

## **R j e š e n j e**

### ***o odobrenju emisije dionica zatvorenom ponudom emitentu "MB VELMA" d.d. Brčko***

1. Odobrava se II (druga) emisija dionica zatvorenom ponudom ulozima u stvarima i novcu emitentu Dioničko društvo za trgovinu na veliko i malo „MB VELMA“ Brčko, ulica Meše Selimovića broj 1 i potvrđuje da je emitent postupio u skladu sa odredbama Zakona o papirima od vrijednosti i Pravilnika o uslovima i postupku emisije papira od vrijednosti.
2. Dioničko društvo za trgovinu na veliko i malo „MB VELMA“ Brčko, na osnovu odluke o povećanju osnovnog kapitala broj:02-30/13 od 30.05.2013. godine emituje novih 50.602 običnih dionica, nominalne vrijednosti 10,00 KM po jednoj dionici II (drugom) emisijom dionica zatvorenom ponudom ulozima u stvarima i novcu.
3. Skraćeni prospekt II (druge) emisije dionica zatvorenom ponudom ulozima u stvarima i novcu emitenta Dioničko društvo za trgovinu na veliko i malo „MB VELMA“ Brčko, sadrži sve elemente utvrđene Zakonom o papirima od vrijednosti i Pravilnikom o uslovima i postupku emisije papira od vrijednosti.
4. Ovo rješenje je konačno.

### ***O b r a z l o ž e n j e***

Dana 14.08.2013. godine emitent „MB VELMA“ d.d. Brčko, podnio je zahtjev za odobrenjem nove II (druge) emisije dionica zatvorenom ponudom ulozima u stvarima i novcu. Uz zahtjev su priloženi:

odluka o emisiji broj: 02-30/13 od 30.05.2013. godine; zapisnik sa sjednice Skupštine dioničara od 30.05.2013. godine na kojoj je donesena odluka o emisiji; odluka o izmjeni statuta sačinjena od strane notara Miodraga Pajića, broj 963/13 od 30.05.2013.godine; prijedlog skraćenog prospekta; izvještaj ovlaštenog procjenitelja ekonomske struke od 04.07.2013. godine; dokaz o vlasništvu nad stvarima i pravima- računi; dokaz o identitetu unaprijed poznatog kupca; izvještaj neovisnog revizora „REVIZIJA AD RA“ d.o.o. Brčko o poslovanju za posljednje tri godine i o reviziji ispunjenja ugovorenih

investicionih obaveza iz kupoprodajnog ugovora i upisu uplaćenog kapitala u sudski registar; izvještaj o ulogu u stvarima; dokaz o uplati propisane naknade Komisiji; procjenu ovlaštenog procjenitelja o ulaganju u građevinske objekte u stvarima i opremi; procjenu ovlaštenog procjenitelja vrijednosti mašina i uređaja; ugovor o obavljanju poslova Depozitara u postupku emisije papira od vrijednosti broj 38/13 od 09.08.2013. godine sa HYPO ALPE ADRIA Bank, Banja Luka; potvrde: broj 552/13 od 12.07.2013. godine od Komercijalna Banka AD Banja Luka; broj: 205-236/13 od 12.07.2013. godine; od MF BANKE AD Banja Luka, poslovica Brčko; broj 05-27/7-1-1056/13 od 12.07.2013. godine od NLB Razvojna banka, filijala Brčko za poslove platnog prometa o stanju poslovnih računa emitenta za posljednjih šezdeset dana do dana podnošenja zahtjeva; obavještenje o sazivanju Skupštine s pravom preče kupovine, objavljeno u Dnevnom avazu dana 30.04.2013.godine i Glasu srpske od 30.04.2013. godine. Stranka je u cilju dokaza ulaganja dostavila i izjavu o dostavljanju skraćenog prospekta unaprijed poznatim kupcima; ugovor o komisionoj prodaji motornog vozila; potvrde banaka o prenosu sredstava i izvještaj o ispunjenju ugovorenih obaveza na kraju poslovnog plana "MD VELMA" Brčko sačinjen od strane Kancelarije za upravljanje javnom imovinom. Na sjednici Komisije održanoj 04.10.2013.godine zauzet je stav kako je navedeno u dispozitivu rješenja i utvrđeno je da skraćeni prospekt sadrži sve elemente propisane članom 13. Zakona o papirima od vrijednosti i članovima 65.-73. Pravilnika o uslovima i postupku emisije papira od vrijednosti. Emitent je dostavio izvještaj revizora o reviziji ispunjenja ugovorenih investicionih obaveza iz kupoprodajnog ugovora, čime su ispunjeni uslovi da se odobri II (druga) emisija novih dionica zatvorenom ponudom ulozima u stvarima i novcu unaprijed određenom kupcu.

Na osnovu podnesenog zahtjeva i priloženih akata, dokumenata i isprava Komisija je utvrdila da je emitent postupio u skladu s članovima 9.-14. i članom 16. Zakona o papirima od vrijednosti, odredbama Zakona o preduzećima Brčko distrikta BiH i članovima 65.-73. Pravilnika o uslovima i postupku emisije papira od vrijednosti čime su se stekli uslovi da Komisija odobri emisiju.

Na osnovu navedenog odlučeno je kao u dispozitivu rješenja.

*Pouka o pravnom lijeku:*

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Dostavljeno:

1. "MB VELMA" d.d. Brčko,
2. Evidenciji,
3. Arhivi

Predsjednik  
Komisije za papire od vrijednosti  
Brčko distrikta BiH

Mirsad Bešliagić